

四庫全書

集部

欽定四庫全書

集部

盤洲文集卷一至六

詳校官庶吉士臣初喬齡

主事臣呂雲棟覆勘

總校官編修臣王燕緒

校對官中書臣李斯咏

謄錄監生臣趙廷掄

欽定四庫全書

集部四

盤洲文集

別集類三 宋

提要

臣等謹案盤洲文集八十卷宋洪适撰适有

隸釋已著錄許及之撰适行狀稱有文集一

百卷藏於家周必大撰适神道碑則稱其論

著為四方傳誦有盤洲文集八十卷與行狀

互異考陳振孫書錄解題張萱重編內閣書

目俱作八十卷則及之所稱其家藏之全稿
必大所稱乃其行世之刊本也其書流傳頗
夥王士禎居易錄謂朱彝尊所藏盤洲文集
僅有其詩則藏書家已罕覩全帙此本為毛
氏汲古閣所藏猶從宋刻影寫惟末卷劄子第
三篇蠹損特甚其餘雖字句間有脫落而卷
帙完好亦古本之僅存者矣迨以詞科起家
工於儷偶其弟邁嘗舉所草張浚免相制王

大寶致仕制浙東謝表生日詩詞謝啟諸聯
載於容齋三筆然考适自撰小傳自其少時
擬復得河南賀表即有齊人歸鄆謹之田宣
王復文武之土句為作者所稱其內外諸制
亦皆長於潤色藻思綺句層見疊出不但如
邁之所舉也至於記序誌傳之文亦尚存元
祐法度尤南渡後錚錚者矣所作隸釋隸續
於史傳舛異考核特精今觀此集如跋唐瑾

傳跋丹州刺史碑跋皇甫誕碑諸篇皆能援
據舊刻訂正史唐書之謬蓋金石之學最所
留意即隋唐碑誌亦多能辨證異同又宋史
本傳稱其父皓謫英州適往來嶺南省侍者
九載檜死皓還服闋起知荊州旋卒今以集
中自撰小傳及皓行述考之則皓安置英州
居九年始復朝請郎徙袁州至南雄州卒後
一日秦檜亦死非檜死而皓始還足訂宋史

之誤其他表啟疏狀諸篇亦多與宋史叅稽
是又不但取其文詞之工矣乾隆四十六年
十二月恭校上

總纂官臣紀昀臣陸錫熊臣孫士毅

總校官臣陸費墀

欽定四庫全書

提要

欽定四庫全書

盤洲文集卷一

宋 洪适 撰

詩一

擬古十三首

行行重行行

行行重行行南北各倦游
昔人重別離一日嗟三秋
如何三秋暮相見尚悠悠
方寸正紆軫何以寓我憂
仰瞻

衡漢移俯對蘭菊遂臭味雖云同光塵若為異迴風淒
且發飄我別時袂欲知長相思披衣不勝體

青青河畔草

青青河畔草
英英薜蘿遶
菊雅雅當牕
女濯濯手如
玉淵
淵錦中意粲
粲未盈幅藁
砧天一涯刀
頭誤行卜卻
鑑
怨新眉誰教
遠山綠

青青陵上栢

青青陵上栢
楠楠庭中竹
人壽能幾何
譬彼電過目
一

觴命暱交且以慰心曲駕言長安游川光晨可掬神州
何赫戲高城轟延屬曉榭千星斗雕栢錯珠玉鱗鱗王
公第華纓夾繡轂放懷恣槃虀端憂竟誰逐

今日良宴會

今日良宴會朋簪故人家搖情綠綺琴度曲漁陽槌放
歌掀醉髻晤語粲春葩列坐各知心游揚相齒牙芬芳
須及時東扶忽西斜胡不厲逸翮天津問仙槎無為甘
寂寞痼疾守烟霞

西北有高樓

西北有高樓，偃蹇軼千門。
綺櫳納飛月，璧璫礙翔雲。
上有弦歌女，哀聲啓鶯唇。
誰能為此曲，無乃返香人。
一章三致意，脩蛾有餘顰。
不惜饒清響，暗驚梁上塵。
所悲聽者心中無，涇渭分願作南溟鳥。
夕飲玉池津。

涉江采芙蓉

涉江采芙蓉，芳蕤蔭幽沚。
相思不相見，芬香欲誰遺。
秋容感人心，浪浪曉涵澈。
不如膝上琴，哀音入君耳。

明月皎夜光

明月皎夜光
瑟瑟扇商籟
衡紀直西躔
雲草斜左界
感彼林薄凋
歲律倏云邁
蜻蛚誰汝憐
悽悽鳴戶外
昔我耐久朋
着鞭道方泰
尉藉繒縞輕
金蘭舊盟改
東井不及泉
須女無儔配
君看貢公綦
白頭媿傾蓋

冉冉孤生竹

冉冉孤生竹
成陰幽谷中
聿來君子室
葛藟施喬松
喬松千百尋
攀附猶可窮
思君江水深
褰裳往難從
同心

而偏棲愧彼摩霄鴻灼灼芙蓉花凌波媚芳風非不努力愛秋至無歸鴻昔盟倘不寒誰歎久西東

庭前有奇樹

庭前有奇樹黃鳥巢其枝之子不顧返失此熙春期采采未盈角夕風已紛披路遠悵莫致雖多亦奚為

迢迢牽牛星

迢迢牽牛星奕奕停梭女尋盟整瑤轡絨情遵漢渚欣欣未斯須別愁眉已度黃月不我留殘機忍重顧翻羨

平山雲朝朝楚王遇

人生不滿百

人生不滿百，蟪蛄等春秋。
花月多風雨，何不蠟屐游。
朱光忽以馳，退舍未易留。
生前一杯樂，難與昧者謀。
臨流羨芳芷，歡言泛輕舟。

孟冬寒氣至

孟冬寒氣至，衝風一何厲。
宿楚失故陰，思蟲柱_上哀喙。

客來門冬冬，袖有尺書遺。
一讀淚先零，再讀心已醉。
妾

如初開花君如長流水花挽水回難水捐花去易流水
何時休春榮難久恃

明明何皎皎

明月何皎皎舒光瑩窻綺宛轉羞空床披軒步庭際故
愛同一心新愁今兩耳咫尺相會難迢迢若干里況復
千里隔憂端無窮已

謝洪慶善提刑遺法帖

紛紛渴驥競秋蛇鎬鏡收拾俱名家吾宗尺牘擅天下

年來野鷺誰有差庭前書帶凝寒綠架上牙籤富新軸
中歲墨妙更奇奇長物不留沾牘馥生平小楷拘蠅頭
豈知蠶尾與銀鈎從今已歎筆成塚學奇還許登門不

春思

自聞郊外景多病負年光沐雨栴容膩耽春蝶興狂幽
期知我背遲日為誰長一枕虛牕寂爐煙續舊香

晚望

古堞高亭暮登臨遠眺時菊芳棲渥露荷蓋偃清漪蓮

清歸鴻集投林嘯抗悲闕情聊繪句獨立自遲遲

欲雨

雨意泄琴床桃笙驟覺涼衝飈方賈勇藻景存韜光去
室憐鳩婦封閭看蟻王青燈可吾伴黃卷任更長

客至

閉闌聽剝啄有客款蓬蒿譚壘萬人敵詞源八月濤園
蔬供菜甲盤食釘桃毛冷淡琴書味由來屬我曹

秋懷二首

送喜得新涼秋情未慙忘弱枝紅皺重平野碧滋長林
迴蟬初亂籬疎菊自芳吟成轉蕭瑟徑醉任蒼蒼
愁緒苦縈人寒螿殆叵聞瓜疇殘蔓去蘭畹秀蕤薰遠
水涵秋態餘霞冠夕曛揚揚今夜月獨與廣庭分

送人之姑蘇

吳門千里役別話不堪聞暫發參商歎長懷星斗文菊
叢黃彩亂槐路綠行分日冀書郵至冥鴻接暮雲

送吳傅朋知盱眙

龜山其下古淮壩上駟駁駁穩着鞭千里八年開與蓋
九重一旦下青氈名郎他日曾趨禁靜鎮今朝疊典邊
簪筆侍書公雅意薰風殿閣待誠懸

方福州生日行

雪峰高高雪如許海門潮生浪吞浦郎罷携囷街西東
到處歡然聞好語舊日大官多養高民詞獄寄充官曹
橫行阡陌喧夜鼓唯征闕市析秋毫只今事事無長靈
五月政成歌召父尺一方來問鳳儀魁三快刷睽鴛羽

三山岌嶭摩曾空便是方丈蓬瀛中他年圖畫凌煙了
却向山中訪赤松

謝唐守送朱櫻二絕句

鈴齋一樹滴堦春翻走髭盤贈野人欲進麴生呼伯雅
却無樊素啓丹唇

乳酪醍醐僻郡無多酸梅子豈吾徒香擎翠籠青冥出
舊事從誰說上都

答林神童

快靚終童英妙時是然銜袖出明璣家聲不詫大哉問
文律何愁知者希益利鋒鋌臨大敵養成羽翼看高飛
紅塵可厭忙車馬挹取西山爽氣歸

海棠花二絕句

雨濯吳粧膩風催蜀錦裁自嫌生較晚不得聘寒梅

金城

記華舉常云欲令梅聘海棠振于臣櫻桃及以芥
嫁笋但恨時不同然牡丹醺醺楊梅把把盡為友

鴨殼非難致鮫胎業已成夜深寧覓睡相照月偏明

張寶

就印錄寶使于第常巡市乞取鸚鵡鴨殼鸚鵡以煮藥
鴨卵以金絲織海棠花名鮫胎蓋醉後畏酒時多用之

瑞香花

袞袞香毵次第開
結根幽獨謝紛埃
芳蓉妬入鴛鴦社
異馥清傳錦繡堆
睡裏魂交非自衍
醒時心賞可無猜
品題盡在春林石
不是花王喜後來

題信州吳傳朋郎中游絲書

上饒眊俗醇且古
千室鳴絃方按堵
黃堂人人今循良
河南治平追鼻祖
訟棠留景分清陰
爐篆方羊燕寢深
笑談了却邦人事
游戲翰墨惟書林
自從真行易篆隸

草聖書絕馳極藝游雲驚龍初振奇渴驥怒猊爭作勢
臣中第一茲謂誰寥寥典則其幾希文人尺牘妙天下
咸去收拾生光輝作古要須從我始直欲名家自成體
手追心摹前無人一掃塵蹤有新意縱橫經緯生胸中
落紙便與游絲同綠甕繭車飛白雪織簷蛛網破清風
一行一筆相聯屬姿態規撫駭凡目臨池漫勞三十年
千免從教後人禿舊聞呂向連錦書百字環寫紫髮如
惜哉渙汨已無考盍使北面稱臺與獨步不復名相甲

端恨二王無此法只今四海書同文使者來求至將押
雪詩用晁无咎韻

密雪舞冬晝祁寒反夏炎竹枝低未濕梅萼瑩先霑怯
冷昂肩立欣繁矯首瞻隨風方北渡際海必東漸軒簸
來如摻續紛勢轉嚴枯英新點綴曲砌巧爭添伺隙花
穿戶承隅著挿簷高飛迷皎鶴夜影逼清蟾砧淨綃橫
石牕虛粉雜匳崑丘千壁碎武庫五兵銛煙徑楊吹絮
香蹊蝶奮鬚鯨鯢陸骨腐鵠鷺野翎爛白髮秦人遯龐

眉漢尉潛漬蠶功孰及平地瑞初占害卧行人節門局
志士恬已甘穿履困奚避割穗嫌醉慕雙螯畢寒懷五
絢廉飄飄疑空

闕

刻畫謝無鹽河濶凝新浪峯高失舊

尖山陰賓欲返淮右寇將殲穆滿三章著桓玄五板兼
君恩捐衛粟天意絕齊痞江上蓑堪畫籬間覽可覘客
觀眸已眩免咀手頻拈足沒尋萱履腰閑刈藿鏹馬馳
毛愈素烏啄首難黔凍折騷人筆光臨織婦檐螟牟寧
待火疫癘詎煩砭甲長寒蔬細根肥宿麥纖年豐雖欲

頌神助愧江淹

前韻雖險用之未盡掇其餘復成三百言

一苦寒威重清晨雨脚靈嚴風號宇宙霏雪下閭閻布
地鹽初撒穿帷粉乍黏裴回輕點袖縈積滿盈檐騁巧
飄雖急乘危勢或沾梨花芳小圃桂魄射疎簾煙濕茶
翁竈竿低酒舍帘清泉埋沼泚蒼榦聳梗枿玉匣齊君
履銀封魯國簷盆收新琢壁堦展未裁縑木杪疑飛絮
江干襟秀蕙正隨雲陣合未放日光還處壯山屠虎高

興澤瑣岫重巖間折木遼野絕飛鷺隼擊翎添厲鱗藏
口敢噉狼隨姬滿駕鵲集叔才苦授簡詞臣敏乘車海
若謙漢傳王母絳周貢嶠

丘儉切

山甜王駿師方整高昌

衆欲潛漢光開帝業蘇烈貫兵鈴豹吏荆人烏牙抽孫
子籤膚寒方起累手圻正憂蠃挾纊冬裘煥傾壘夜飲
厭寒光欺寶鑑素質奪朱綬大喜蹄方逞免餐舌未符
梅林催皚皚麥壠長蘄蘄置兔難探穴叉魚已漑鷺鵒
蹲餓愈噪馬縮凍難拊見現將消釋歌詩興佞儉妍辭

慚謝客詎敢示羣僉

用雪詩韻謝三外弟見和

我昔攜李寓君方錫山潛欲馳咫尺書駛足無飛廉相
望參與商引首徒遐瞻竭來萍梗蹤遠野得茅簷獲與
譚壘接何詢龜筮占青山整煙鬟澄波開鑑奩喬松與
怪栢如虬老龍髯悠然一望間野色皆可覘范甑飛埃
塵墨突寒不黔好友豈厭頻鷄黍供炊爨外家三遺珠
脫穎皆囊尖交情謝流俗不問涼及炎着鞭挹清風從

者屢我淹高論極根源師友識所漸大略催治忽細談
析毫纖皮裏有陽秋褒貶追齊職古稱學如殖秋成觀
執鐮吾匪董夫子家居下帷幃言經雖敗績寧妨整冠
簪抽軋強成章句鄙不任拈翫散且艱澁疵瑕費鍼砭
君詩粲珠琲光焰古人無詎覆傖父酒不道胡兒鹽陳
檄愈頭疾杜詩却寒疴輕縑邊幅富健筆鋒鋷語句
既遒麗格律何森嚴我窮思已竭君方湧泉添三峽爭
倒流未肯波瀾恬短才媿匪匹尚期膏馥沾吟罷覺夜

永明憲耿孤蟾

讀秦本紀

應侯一語幽宣后長信蒙辜徙賢陽秦室無親類梟獍
借箕詬語亦其常

侯公

淮陰束手九江閑誰信功成頰舌間不惜鴻溝分二國
太公今日得生還

楚懷王

武關謀詐却稱臣冤魄游魂尚在秦墓木蕭條冢猶濕
流聞其子作婚姻

讀戰國史

折足黔徒未易欺箠中死士亦何為魏齊斷首龐涓
禍報由來不可知

讀召公世家

齊晉瓜分四國王嬴秦為呂芊為黃六雄當日皆新主
獨有甘棠澤未亡

穰侯

推轂曾聞薦武安威伸三晉走荆蠻
厠中大珣圖穰奪
猶道藏兵不出關

田單

齊主輕忘在莒時解表溜水遽相疑
若無貂勃明勲業
幾使功臣枉見夷

長平

一敗長平振古無趙邦臣主亦何愚
當時已中馮亭計

猶自區區遣鄭朱

春申君

珠履三千盡在門，爭無國士解銜恩。
棘門難作無遺類，死黨寧聞報李園。

題陳體仁判官休齋

翔縷影組盞中留，綠水芙蓉且漫游。
過耳從教千不是，處心渾欲一宜休。
爐中異馥非多愛，架上新籤弗外求。
寂寂掩扉何所事，飽聽風竹韻涼秋。

次韻陳體仁惠詩并示遊山詩卷

人生名利場羈絆無休假沈迷鴈驚行夢寐雞豚社見
謂游子欺更妨官長罵何如山中樂松牕肆嘉話陳侯
青雲客英聲蜚日下當年金馬門掉鞅示閒暇小試芙
蓉池未整驪駒駕台嶽十日行樛蘿若相迂來歸探古
囊篇篇可圖畫傾耳金石聲鄭衛敢爭霸

次韻李舉之縣丞秋日偶成

當年使節反穹廬解綬歸來得少娛底事微官又縈縛

強顏文墨受憶鳴

朝來傾耳得街談
頗說塵容亦可慙
從事未知三尺守
醉心空向六經酣

官途陸陸未回車
秋桂春蘿總負渠
目送飛鴻千里去
故山應草絕交書

筆底淵源萬頃多
卷中句法不隨波
覃思正作青雲計
寡和聊成白雪歌

次韻題謝景思少卿藥寮

壯歲揮金邁二疏
眼看餘子伏鹽車
芷蘭清馥渾紉佩
芝朮新苗幾荷鋤
剝作好詩傳近體
誰言巧宦勝閒居
北牕睡起琴聲寂
便若身登太皞墟

盤洲文集卷一

欽定四庫全書

盤洲文集卷二

宋 洪适 撰

詩二

蔡瞻明寺丞有詩見簡次其韻

漱芳傾液飽心胸久矣高名在郢中
遂請叢祠方養氣
卜居蕭寺且談空
結交許入芝蘭室
招飲奚須桑梓翁
妙語出來驚創見
益慚白朮過河東

酬李舉之

象載凝華落筆工一時英妙盡居中交情耐久惟同味
詩意求新更鑿空揮塵寧談阿堵物聯珠不數聶孺翁
文成間被鷄林得復有聲名到海東

次韻曹功顯都承賞梅

紛紛凡卉怯嚴冬獨有清姿對雪中拂幌更宜粧嫵媚
巡簷誰憚履穿空南來未見傳聲使東望方思避俗翁
聞道聯鑣得幽趣無因同醉玉堂東

次韻李舉之立春四絕句

東皇先遣雪清塵一夜山川眼界新
共喜太平今有象更將歌舞為迎春

三冬文史摠空虛獨有施行寬
大書坐對南牆干箇竹何妨留客煮園蔬

雪後疎梅正壓枝春來朝日已暉暉
癡兒公事何時了 一醉花前心似飛

他鄉春日思如何屏去茶甌任睡魔
且得小牕成好夢

片時江上逐煙蓑

次韻蔡瞻明惜花五絕句

底事春愁減玉肌
誰能獺髓為扶衰
可憐傍蹶臨池處
非復嫣然一笑時

無情誰似東風薄
相見那思雪夜初
欲把紅顏借桃李
便教枝上白紛如

月地雲堦滿意開
牽花準擬尚裴回
抗瓊解佩已仙去
駭綠紛紅徒後來

試因子墨賦瓌姿獨記朝容在一披著粉直嫌粧太白
只今何似夢中時

一聲橫笛曉林空知是春風十日東來歲花時在何處
採芳還有幾人同

陳體仁以心清聞妙香作詩惠末利花香次韻
為謝

塵勞昏獨志祿利蠹良心掃地香一爐澹然清興深假
寐傾刻間煙霏遂盈襟聯翩珊瑚鉤逼人何駸駸東風

將小雨一夕池中平春聲在疎竹琅琅有餘清公退遠
世氛心地莫與京寶薰凝窓牖為君尋鷗盟鼻觀拜嘉
貺名香如前聞塵容方一洗藻思期三薰久坐欣有得
飄飄欲凌雲都梁與迷迭芳馨此其分英英末利花素
蕤馥清曉誰將煮水沈採擷得奇妙吾非范蔚宗品題
能了了雜佩媿報酬蕪音發譌笑春日紫宸朝合殿紫
天香玉筍祭風采雞舌相芬芳陳侯金閨彥指期遣鵷行
安能久鬱鬱俛首回剛腸

偶得梅一種疎枝清香附萼之花五出與江梅
無異但花色微紅而五出之上復有一重或十
葉或九葉他日皆並蒂雙實俗呼為鴛鴦梅昔
上林有趙昭儀所植同心梅疑即此也因成四
絕

却月凌風一種香更勻粉面作紅粧枝頭自結鴛鴦社
為倩東風謝海棠

重重香蔕故多情索笑初開解薄醒翻恨前村雪深處

一枝幽獨太慙生

客子逢花心欲灰
異方初見眼還開
故應臨水橫斜日
曾作于飛一念來

開花已作鴛鴦侶
著子還成鴻鴈行
舊日同心上林種
至今千載亦流芳

次韻蔡瞻明登巾山三絕句

朝來爽氣冠曾丘
急雨驚風正麥秋
要得雲軒聊放目
何妨松徑暫低頭

名韁局促祇懷慙飄忽熙春月過三矯首白雲千里外
此心無日不江南

好句聯翩得未曾品題今日欠鍾嶸登臨自有江山助
豈是胸中不得平

得二弟消息

倚欄春晝靜花柳自芳香消息三州遠塵埃兩地忙鵲
聲傳近喜鴻影憶初行抄得新書策歸時補墨莊

次韻李舉之風雨中書事四絕句

挂壁鳴琴久斷絃
強翻書帙本相便
詞源顧我非流峽
藻思如今已換天

雨勢風聲何太雄
羣山答響亂青鏞
青奴今夕安用汝
玉友此時留得儂

怒號通夕攪空虛
好夢那能到玉除
枕上泰然無一念
只愁雨滴架中書

向曉登樓凭小欄
蕭然歸興在江干
癡兒未了公家事
且把雲山子細看

次韻蔡瞻明秋園五絕句

芥毛金爪勇難干，肯作霜花對乍寒。
若說乘軒有癡鶴，

司晨如此合裁冠。

雞冠

翔切當年覽德輝，傳芳花品未思歸。
晚來霧鬢凭軒處，

直恐金翹相對飛。

金鳳

澤蘭萱草比多言，謂汝分陰久奪鮮。
政恐洪園脩竹勁，

不如秦嶺老松堅。

芭蕉

高標幽艷自宜霜，弱草繁葩莫中傷。
肯與紅蓮媚三夏，

要同黃菊向重陽

芙蓉

臨風裊露早秋天
簞出南金色更鮮
若向東籬比標格

定知花市不言錢

金錢

宿佛窟寺

簞輿登佛窟高閣
望中清古木爾許
蔭飛泉無限聲
雨消今日暑雲作
晚來晴獨對青山
久相逢如有情

過瑞巖寺示勝上人

空照禪室嘗坐一石長喚
主人公自云喏惺惺闕他

後莫受人瞞時有瑞氣金輝映燭巖
下因以名巖而號其石曰惺惺石

逗曉亂山中來尋古佛宮
荷間留夜雨松下進秋風
瑞氣舊如許巖姿今亦同
惺惺有盤石應記主人公

惺惺石

簿領久沈迷誰能不忍欺
我來慙此石拈出問吾師

滴滴泉

石罅來泉滴松風雜澗聲
天明有公事還憶此時清

題靈石寺並簡景思

聞道飛來石當年却畔亡
煙杉行

行列之行

客路風竹護禪

房有酒對玉塵無詩誇錦囊塵纓自羈束真賞負山光
夜飲藥寮次景思韻

主人知我樂郊居藥圃嘉招走尺書笑語池邊欣促席
醉歸林下却却去肩輿正聞鴈過猿啼後更是風清月

白初見說長安消息近却須高興謝鱸魚

題景思水芝亭

白蓮一名水芝

遠意閑干雲亭幽不受塵來為池上客本是社中人影

密龜魚蔭花開

闌

還如山遂志應許卜比隣

黃巖道中

兩日黃巖縣紛然百慮侵乍聽幽鳥語復起故園心冒
熱度峻嶺憚勞休茂林潮來知海近三島可能尋

過妙緣寺聽懷上人琴

斷澗復危岑紅塵且滿襟疾驅觸炎熱小憩得禪林煮
茗對清話弄琴知好音秋風不借便去轍已駸駸

行縣道中寄魯鉉父

雲山初見非昔遊一瞬不許回雙眸二年依州已強半

七月行縣難罷休
濺濺微溜響縈谷
蕤蕤多稼光盈疇
兵厨願留一樽酒
霜螯醉嚼期中秋

登寧和嶺

嶺屬寧海

初識寧和嶺有懷
占夢時聞詩千里
隔斷織九京悲草
木應相記烟雲渾
異宜西風襲懷抱
淚曉不勝垂

懷孫邦求

酒開桑落泛觥觥
行子驅車恨不留
鴈塔自是大人行
麟臺更叅儒者流
官居二年有十月
別思一日真三秋

氷輪今已可人意何時來賞城東樓

宿大龍山寺贈海上人

看山論舊事拂石認前題雨滑苔徑阻雲收松嶠迷三
秋文豹隱一夜寒蟬啼又復問程去清遊滿虎溪

大龍山五詠用家君祈和胡別駕韻

經藏

萬法俱一空忘筌亦忘字勿置齒牙間回觀方寸地

龍祠

英日授五飛論功中興主

龍父有五子建炎末護行幸有功皆封侯賜廟額

宛

宛龍父尊茲山職霖雨

密室

小室坐蒲團死灰念不作所以護明珠精脩企先覺

小池

山椒有龍湫清泉日夜流疏巖作方沼漱甘非外求

湯爐

蟬眼候松風雲腴挾霜月爐下豈常炎灰飛即煙滅

懷李氏昆弟二十韻

城南兩佳士英躔名碑硯相之妙才具玉筍班中闕胡
為影長纓去去事輓輓舉之登詞壇龍虎榜未揭歸循南
陔蘭不使芳馨歇胸中蟠五車一一思英發有中清廟
瑟審聲知度越我來貳銀菟接袂俱墨髮情期膠漆堅
門受車馬謁筆陣幾塵戰君盈我先竭別來勤相思十
日倏飄忽遲明蒙寵塵畢景邁嶠崕躋高怯肩輿挹秀
欣拄笏泉清甘著齒巖幽冷紫骨西風湧波瀾極望際

溟渤是中三神山縹緲雲出沒問津舊乘槎引丹今捨
筏挽首傾縹瓷獨醉徑兀兀起看天宇開詩成走郵卒
歸與及中秋高樓共嘉月

宿廣潤寺書倫上人靈雲庵

靈雲禪師因桃花悟道有偈曰三十

年來尋劍客幾逢落葉幾抽枝自
從一見桃花後直至如今更不疑

寶地深深俯碧潭有僧酌茶延我談千巖狀秀躡風磴
萬竹含翠藏雲庵西來指柏本無著一見悟桃須再參
登臨已是秋欲半霜葉枝頭纔兩三

摘星嶺

披山鑿道何嶮巖上摘星漢摩虹蜺七襄終日往曾問
一握去天今可躋叱馭已排蘿蔓去下車不復煙雲迷
舉頭此際長安遠願借六翮凌丹梯

交翠亭

政和丙申家君主寧海簿明年作交翠亭是
秋而某生後二十有八年某來貳郡事踰年
行縣至此感舊懷遠賦詩二章

三十年中事，鸞棲築小亭。寒聲長新籥，清閣拂疎櫺。水
轉前時綠，山濃遠處青。重來勤問訊，此別記秋螢。

三瑞堂

久矣馳魂夢，今登三瑞堂。故山有喬木，近事話甘棠。展
驥慚充位，占熊憶問祥。白雲留未去，極望是吾鄉。

留別縣僚

滿城鼓吹出林垌，珍重來思此日情。共說棲鸞留政迹，
自憐展驥墜家聲。一時官侶推儒雅，百里民編樂治平。

山意川容若相挽不堪整駕問歸程

過梁王寺書家君祠堂

舊有道流安引地記乞廢寺為官外臺下其事

於州州下之縣家君時攝邑事力為辯明乃寢

生還未列麒麟畫舊德猶懷鸞鳳棲共問翰林今孰似
凜然眉宇染風塵

山行遇雨

天公作意轟雷霆風雨驟至神如兵翻手為雲只俄頃
舉頭見日尤精明蟻君一戰方奏凱鳩婦復還已和鳴

稅駕欲投佳處所林間隱隱疎鐘聲

蔡瞻明以詩還行邑鄙卷次韻謝之

涼秋野趣已蕭騷方駕看山念我曹十日空歸才每下
一篇來貺曲彌高詞華若我慚唯電筆力惟公掣巨鼇
欲作歌詩興協律清朝今日有王褒

酬李舉之用前韻見寄

閱盡千峰不憚勞歸來文墨厭官曹浮槎問漢秋期近埋
劍衝星夜氣高那復精思如吐鳳初無壯志欲乘鼉詩壇

軒輊歸題品濫得陽秋一字褒

褒字詩已得十二章請各賦其一以足巨麓

紛紛吏道誇吹毛未肯留心效此曹象齒好辭降二妙
鱸魚歸思羨三高吟毫未禿一千兔詩軸須聯十五黿
敢道嚴霜起中夏益知赴韻有龍褒

次韻蔡瞻明木犀八絕句

誰為花王定等差清芬端合佩金犀上林他日移根去
應記詩仙綵筆題

香清為借三秋露
葩約寧禁五日風
俯對倚蘭振寒綠
靜看飛葉隕輕鴻

風流直欲占秋光
葉底深藏粟蕊黃
共道幽香聞十里

絕知芳譽亘仙鄉

此花亦名十里香

笑含菊彩媚疎籬
巧作葵粧傍曲池
顏色從他矜速肖
芬馨如此孰爭馳

心稟犀文饒地力
體薰蟬影奪天香
圖形好命丹青手
締句須煩錦繡腸

廣寒秋桂映天池休說當年折得時
韻勝今逢巖下種
價高寧靳橐中資

簪鬢新枝立晚晴
淡粧異馥稱雙清
夢魂不記前來事
愁逐江潮日日平

黃絹家聲映古今
隨和發彩驚詞林
高樓宴坐清商晚
獨向此花垂意深

盤洲文集卷二

欽定四庫全書

盤洲文集卷三

宋 洪适 撰

詩三

次韻李相之觀溪漲二首

愁霖方注射駭浪忽衝斜宿鳥行驚鴈遊魚目失蝦
波奔折木春漲過桃花沸渭今如此誰乘犯斗槎
風聲隨雨急水勢滿川黃巨艦困彭湃窮閭悲混茫為

魚懷雜汭捷竹謝宣防共徯陰雲卷永輪替戾岡

次韻酬丁致遠司戶

翰墨場中識面初珠璣粲粲似相如
盍簪多士登臺省却掾諸曹親簿書
白社不妨閒泚筆赤城更好命巾車
寸心渙汨方茅塞快讀新詩得剪除

次韻蔡瞻明江樓秋晚二首

斜照穿林迴歸雲斂岫遲蝸文寒壁
叢蛛巧暮簷絲待月是愁處對山無
倦時掀髯阻談綺細讀寄來詩

竹外秋風急樓頭夕靄微遣懷須命酒怯冷幾更衣
嚴鼓紫城去輕舟劈浪歸登臨多少意墜葉滿庭飛

九日官舍種竹

獨整陳編對北窗烟雲渾欲助淒涼庭前且使竹交翠
籬下從他菊自黃遠宦只今同旅泊壯懷誰復問行藏
携壺已失登臨便不待微吟恨夕陽

天台道中

灘聲因雨急山勢向雲斜橘綠誰能畫楓丹遠似花
春

鋤懷淺水郭索上寒沙漸聽鳴梭近林中三數家

赤城

平生幾讀興公賦今日霞標對赤城此是南門入山路
山祇乞我一番晴

玉京洞

飈輪曾此宅靈仙洞府今稱第六天規往不辭蘿蔓險
回看雲物起瓊田

國清寺

紺宇今方盛名知國已清

李邕寺記云智者嘗夢定光曰寺若成國必清因以為名

萬松九里影雙澗四時聲

賈島云山門九里松圖經云五峰同合雙澗縈抱天下四

絕之

杖策將窮覽巾車不計程登堂山更好人去曉猿

鳴

先老作更好堂方成而有旨移住靈隱時丈室未有繼之者

清音寺

久坐俯潺湲流清詩思慳跳珠鳴蘚石淙玉下松關此
日耳塵靜幾人心地閒抽琴作新曲歸去要怡顏

禪林寺

振策快秋晴伽藍倚翠屏看雲不留瞬對竹已忘形銀

地聲千載虹橋拱百靈至今鐘磬響如講淨名經

智者始至

佛隴定光指此曰南峰金地我所居北峯銀地爾宜居之後講淨名經陳郡袁子雄見堂前有琉璃山梵僧數

十擎香跨虹橋而來

山中阻雨欲登華頂峰而不果

昔聞天台山一萬八千丈層峰目華頂魂夢幾馳想竭
來乘清秋明發將獨往小雨巧作難祥雲約仍爽風磴
漬苔蘚霜厓亂榛莽崢嶸一何峻梯空不可上便思捐

竹輿徐行倩藤杖老僧揖而言茲山韜萬象舉頭天宇
逼寓目巖扉敞重溟倒寒影萬壑振幽響峽迴啼猿猿
林高隕樞掾仙袂挹浮丘飄然頓塵網今茲風雨時烟
霧接穹壤勁寒或薄人跬步迷俯仰不如遊石梁重來
事真賞斯言既纚纚誠哉非我誑俗駕為之迴燕言不
堪榜寄聲山中靈心期空鞅鞅

石橋

懸磴跨幽崖奔流漱深壑宛然臥蒼龍天巧謝鐫鑿萬

木森前山笙竽真籟作長嘯斥程孫來巢怖烏鵲莓苔
助危梁下瞰心膽落橫前限翠屏峭壁旁如削於此判
塵凡只尺遂綿邈飛錫躡空虛樓臺變林薄寶輝覲華
燈金翰過神雀二年佐銅虎渠能解羈絡闕烹紫雲腴
寒甌散葩萼奇事訂前聞詩成識層閣

雨中宿萬年寺

夢回深夜耿秋燈泉竇爭流一味清過鴈不聞天外影
寒松長送枕邊聲餐風但可久無賴急雨那能便寢行

已問瓊臺雙闕路此心何必羨層城

閑上人覽衆亭

籃輿行盡白雲層來款禪居得小亭亂石引泉歸曲澗
寒風吹雨過中庭四旁野色朝昏別一覽巖姿遠近青
宴坐蒲團作何想光陰不復問堯蓂

賀子忱吏部抱膝庵

主人蚤歲抽華簪隱居時作梁父吟於今松窗在人境
空有蕙帳留煙岑風來翠篠自搖玉秋著黃花仍散金

拂拭塵埃記行役興來命酒還孤斟

桐柏觀

屹然雙闕峙瓊臺仰見彤雲郁郁開三井窮源知海眼

六符垂象應天台

徐靈府天台山記曰山上應三台故曰天台三井甚深不測嘗有投綸其

淵綸畫而不及底或云海眼其一今塞或云女人濯手而然

松杉滿道欣初過芝朮

何年得自培更聽鳴泉雜風籟直疑驚鶴紫霄來

衆妙臺

臺有八稜柱司馬子微朱漆書三體道德經

白雲仙蹟紀琅函三體丹書寶翠嵐欲問仕塗今捷徑

不須高價借終南

石道士妙聲堂

泉溜古今同臨流萬慮空採芝歸絕嶂添竹映疎叢影
漾高秋月聲宜深夜風真清長在耳何用撫孤桐

仙壇院

王子晉壇祈

舊聞王子晉雲臥夜吹笙控鶴冲天去松風千古聲

天台觀

芝田環拱碧崔嵬流瀑高從天際來飛沫有風長是雪

寒聲無日不如雷巖前八桂人誰折溪畔千桃路未開
便覺仙都清晝永翻愁歸路染黃埃

劉阮洞

桃花當日未成蹊只有幽禽語翠微楚峽行雲空入夢
秦臺鳴鳳要齊飛仙家常若三春好人境何知萬事非
訪問丘園荒舊迹却應回首悔來歸

贈護國昌老

緩轡到禪扃高談得細聽茗花泛輕椀煙篆度虛樞門

外雲千片軒中水一瓶我來無好語留此待丹青

慈雲祖老相邀至悠然閣倦不克往

幾日涉雲煙危峯懶著鞭聊將臨別意為我謝悠然

明巖寺

路轉烟標外雲開綬帶前幾層山底屋一線竹間泉洞

口石孤聳巖頭峰倒懸故應風雨際行子總迴鞭

臨海記云

寒山有石室前有立石參差如侍衛者
悲五色遠望似綬古今相傳為綬帶山

寒巖寺

峭壁插青冥層巖覆化城空中清磬發幽處慧燈明萬
瓦足雲氣四簷無雨聲豐干不饒舌此地孰知名

寧國寺

幾日山南北端期汗漫遊水痕秋雨過竹色曉烟收官
海何時了僧房為少留却尋歸去路餘興漫回眸

曉發秦安驛

秋夢不能曉起行山徑迷小車驚宿鷺列炬誤鳴雞冷
覺霜華重光瞻斗柄低金庭有佳處芳桂想幽棲

以糟蟬送曾守

太湖九月霜波寒
郭索不幸逢漁蠻
誰令骨醉糟丘裏
使我涎流書卷間
黃堂大人思幼玉
耳邊不復親絲竹
一杯聊使破愁顏
要遣詩情踵山谷

得景嚴弟書

往年同入洛
此日各監州
慣見浮雲改
相思野水流
有書將遠意
何處話新愁
莫為癡免事
乾螢滿案頭

夢中送妙興寺僧

紹興十六年十月二十五夜
夢息檐山中獨遊
旁近處至

妙興寺欲回阻雨寺僧西指云是方霞彩如此少頃必開霽田家常以為占而東顧凝陰雨下如注寺前高山樵徑中水爭下流予因並山而南復東折有橋長可二十許丈自深澗聳立巨松每五七步必夾橋蜿蜒枝餘俯就橋上若龍然謂之盤龍橋直東至所憩處時有一僧自妙興相從欲先去口占一詩送之既覺復夢携家登陸日既高而免曹尚告未辨家君命趨之見內子方梳櫛而董氏妹解篋授于衣遂侍家君偕景嚴景廬弟步尋近境至一橋畔指西隅有小寺欲往予視所取道頗協向所經行因話前夢而二弟告予此妙緣寺也欲度橋而雨復作予輩欲輟行而家君強之使往疑若彼寺有先世素斐其問者家君杖策命一兵張蓋既登岸予踵而前斯橋危甚因返顧二弟勿偕未至妙緣而寤欲驗他日故詩書之

西望霞光東望雲
剡然晴晦此區分
小橋過盡盤龍險
回首高人多謝君

次韻曾宏父探梅未開

梅枝渾待雪山意
漸呼風欲索簷間笑
那憂徑外窮英
辭窺玉潔拙句媿
雷同只恐花開日
綸言下法宮

招曾宏父待雪

欲把詩催雪
先將酒送寒
凍雲方作意
微霰已開端
目斷鄉城遠
心驚歲事闌
擬同今日醉
待取玉花看

次韻錢處和運使郡齋晚集

風聲止雨歲云暮雪態兼雲畫欲昏共喜高軒歸別墅
肯臨畫戟對清樽埋輪前事空豺路授簡英辭踵兔園
是處梅花寢消息更憑玉藻為招魂

遊蓋竹洞

曉出山城故著鞭荒荒寒日滿晴川幽棲未卜誅茅地
乘興來登蓋竹天霜凝去聲陰崖疑積雪雲躋重障雜飛
煙洞門今古無關鍵俗客那能見列仙

仙居道中

雪英方瑞臘雨勢欲週年此日信泥軋來風侵坐氈為
官渾漫爾行役又徒然為報仙居令無勞負弩前

寄吳明可正字

歲晚仍多病春來尚異鄉愁城誰與破談壘漫相望體
怯山嵐重心隨驛路長後亭梅若放為寄一枝香

次韻范子芬雪中同訪曹功顯

明朝春琯欲飛葭臘裏重看舞雪斜筆下百篇非事業

樽前一醉即生涯初疑高柳狂吹絮却伴寒梅好放花
踏凍不辭方駕遠閉門留客更誰家

憶梅呈曾宏父

重憶城東路盈盈十里梅彌旬阻風雪幾處雜塵埃已
是春移律何時酒泛杯好花那忍落直待使君來

題王氏秀野堂

飽聞居處好遠意快心胸樹接高低影山分朝暮客佳
時能自適閒客幾相從勿訝題詩晚新來百事慵

關

青編送似補山房妙語相酌掩夜光盜竄不須晞吏部
將軍何日命元方

盤洲文集卷三

欽定四庫全書

盤洲文集卷四

宋 洪适 撰

詩四

送范子芬赴浙東機幕

男兒三十富春秋，況復才華出輩流。
傳家不墜右丞相，入幕少佐東諸侯。
梅花頗惜詩人去，草色正牽行客愁。
脩禩蘭亭訪陳迹，應懷同醉仲宣樓。

送季元衡教授赴調

三年淹講席斗酒動離情此去登臺省諸公熟姓名
驕看地絕鸞鳳為時鳴春日西湖上煩君一寄聲

送石初平歸四明

析別梁谿七換春海邊相過意能勤袴襦不羨千金子
簡策無慚萬石君豪氣掀雷須給札他時修月待揮斤
鏤衡又揖東風去情話無人可夜分

送李相之提幹閩中十二韻

官柳訖春事落絮束復西門外高軒過行行將何之七
閩繡衣屬非如州縣卑少留長者轍酌酒話別離五年
官他壤一面即故知辯囿塵仍落詩壇襟屢題撞鐘問
今古遽然五總龜迢迢千里去風過衫裳吹我亦及茲
晨歸耘楚江涯河梁攜手歎參辰後難期曼倩寧自銜
長卿固同時征途慎勿遽會看輶車馳

題左達功秀才桂香齋

小齋面蓬瀛昂霄得雙桂黃卷對聖賢欣然有餘地筆

端妙言語挾此波瀾勢熒熒百鍊剛自是青萍器銜星
不我識鉛刀且爭利于今修月手益振凌雲氣明年廣
寒宮聲名邳詵似歸來八桂鄉浮丘挹仙袂

還李舉之太平廣記

稗官九百起虞初過眼寧論所失誣午枕黑甜君所賜
持還深愧一瓶無

酬光吉叔用前韻見寄

怨鶴今誰侶馴鷗詎可親頗思同潒酒久已厭紅塵歸

夢常通夕微吟漫惜春牀頭易在否觸手不應新

次韻蔡瞻明雨中書懷

梅雨冥冥晴復陰小軒終日起歸心自憐宦業初何補
獨喜交情久益深憶得微醺看錦瑟愧無好語比南金
青山千里江南路他日郵籤幸見尋

贈傅神陳秀才

舉世人心別端如面不同山川險難測筆墨思何工未
索形骸外聊先阿堵中自憐無骨相不到漢南宮

次韻向憲見贈三首

理財無管晏言利析秋毫吐論千人廢摩空六翮高未
簪安世筆先佩呂虔刀楚澤東風勁寧辭攬轡勞

四望荒樓觀登高動土思山川相映帶桃李已紛披漢
節人重仰黃陂世莫窺三章堆錦繡唐突古西施

河東空有賦人不道揚雄貴賤雲泥隔黃緣井邑同平
番依列宿談笑霽威風終賴忼懔力能成尺寸功

次韻向憲道中偶成

四牡馳原隰侯邦害必除疲民端可念茅舍未如初消
息三春異創痍二紀餘君王心在遠諭意倚相如

聞景嚴弟遷西掖并寄景盧

俯仰梁谿歲幾寒回來墨沼已中乾傳家紫橐榮三子
得路青雲喜二難爵位方知稽古力論思當使覆盆安
自憐骨相宜塵土那得絲言動筆端

次韻向憲留題荆門惠泉卒章見及

對泉一洗心如水誦詩三歎頽有泚字比渴驥駸駸來

文如翠激鱗鱗起皇華轍跡環諸道濟物良籌載襟抱
雙泉復見等故人竹馬兒童半羸老吾君豐澤要下流
慚愧長瀾力不侔一方始此一滴潤千畝長有千鍾收
去瘼未盡惠未施可使剜肉生新瘡塵埃滿面語甚惡
虛辱逢人說項斯

獨步惠泉用石刻中韻

拂崖看古字倚策仰前英雕章細細讀清思源源生丈
傳峴山石句散漢陂行一字或華袞五言有長城林蟬

衆作噪下坐羞混并坐令蕞爾國宇內渾知名茲泉發
地脈有玉潛山庭神龍職呵護老蚌呈煌熒楚人力水
耨倚沼仍畦瀛威沸晝復夜輸出無窮聲演迤銀漢接
旋折數日程膏潤亘原陌穀價年年平非才忝數惠下
考乃為榮疲民未擊壤循吏難聯橫獨行浥清泚誰與
論丹誠銷憂賴李雅遣興煩客卿信美非吾土千古仲
宣情

楊元素題蒙泉詩云源有雌雄分碧白注謂南

泉色白為雌因為之解嘲二絕句

小孤寧有匹織女自無家浪比人間世增添白玉瑕
雄風波不動雌霓影空垂欲洗蒙泉謗須刪蜀客詩

曲水

杯去渾無勇退時偶然遇坎亦安之不教坐有獨醒客
便與投醪倒接羅

金蓮

綠衣黃裏水蒼筤朝暮凌波步武齊一種清高樂泉石

移根不肯汚塗泥

古柳

異時古木蔽巖阿去盜來兵厄斧柯老柳如龍壽千百
獨全煨燼傲清波

同姚當可胡元質錢舜仁張昭甫遊上泉

避暑遠簿書尋幽踏管蒹寒泉浮玉根巨石開眼界靈
湫幾千年洗盡塵土礙老藤走長蛇茂木歆翠蓋掃葉
坐水旁可喜此風快炎雲不能神潛蚪祕竒怪滿酌白

玉鍾燕甘猶沆瀣何如習家池舉鞭同倒載

次韻朱宣州見寄

十載蕭蕭麋鹿姿那知出守得同時
黃山白水空孤諷
疊嶂雙溪屬好詩
擊柝曉傳邾子國
舉鞭春到習家池
只今霖雨思賢佐
會見絲綸下玉墀

謝景高兄惠魚鱗

霜風激水鱗含寒
漁火獻俘清夜闌
不烹五鼎若賒死
使之骨醉尤加餐
尺半之魚鱗六六同
入糟丘隨小贖

鼎來兼味口流涎可使盤中食無肉潯陽從事姿南金
高山調古誰知音寧同姒隅作蠻語生憎郭索多躁心
簷頭雪消春有意洗盞開尊宜一醉持螯頗憶左手同
尺素不妨時遣使

送唐左史紙墨

黃山奇峯三十六聳壑壽松多節目真工曲突掃芳煤
介圭拱壁陳玄玉淝河千里茲濫觴萬穀之皮搗冰霜
肌理細膩色白皙蜀網刻藤難鴈行使君來自岷峨麓

曾賦客卿朝奏牘細字不作蠅頭書高文富有牛腰軸
向來平步第一螭勇退宛在番之湄陶泓毛穎幸旅進
快寫元和聖德詩

送李泉

周人九府有圜法漢京金布在令甲炊炭冶鎔多亂真
紛紛輕薄如榆莢即山不復私下臣張官置吏幾王春
君子謂之阿堵物方兄不知何許人十年九牧其弊近
談何容易趣銷印事權頓使歸民曹鼓鑄伊誰察諸郡

詔書懇懇修廢官諸公爭言隄度難向來矯枉亦太過
疇洛英俊垂輜軒鼎新能事推心計貫朽不須夸古始
共瞻使者振繡衣曾見真人興白水荀卿自有富國篇
高視管蕭宜並肩錢流地上小術爾便合論思雨露邊
江州塵外亭

使君人物風塵表亭下纖埃遠白蘋佳傳緬懷方外友
漫郎端是社中人山光水色長排闥鵲侶鴻儔已卜鄰
莫語軟紅車馬客香鑪峰下有遺民

喜景徐作小圃因懷東閣二絕句

數頃澄湖練有光
小亭處處得疎簾
夢中春草多佳句
一洗塵埃速寄將

白白朱朱手自栽
兩年憶著滿林開
莫教童稚輕攀折
惜取濃陰待我來

次韻董伯魯

讀破羣書有遠謀
逢時便可動凝旒
不辭巖邑千山險
肯作鈴齋十日留
辯舌未容蠹測海
歸心已夢蝶為周

松關萬一逢佳友為說相如故倦游

端午日應賢小集戲用坐中韻

短檠長憶桂巖東翰墨新來莫論功
日日簿書成俗吏星星鬢髮逼衰翁
闕難緩三人帶小壘聊吟一馬驄
共飲昌蒲修故事山肴野蔌是家風

次韻黃子餘惠雙井茶二首

荻花楓葉醉為鄉每憶臨分一鼎香
枉費光陰驚老大略無治行媿循良
歸心來往雞豚社清思消磨鴈鶩行

金史卷之二十三
卷四
且喜絃歌餘樂地好詩句句挾風霜

峰橫萬仞臨雙井調護旗槍春怕深白雪有芽鷹作爪
黃梁無夢蝶何心聞名可信非虛語知味端如賞好音
祇欠谷簾一杯水未能相就盍朋簪

送范至能

愁雲暗千山欲雪意未歇雨脚侵夜分鷁首勇朝發軟
紅英俊林定不冗干謁磊磊胸中書高談傾上笏結駟
映天街登瀛有仙骨摩娑先友碑姓名或湮沒却顧浮

丘亭寄聲頻日月

次韻王偉文二首

山城碌碌負魚符尺五家園好坦途可惜光陰迷簿領
漫無惠露到樵蘇鷄豚小社元相接鷗鷺新盟不敢渝
莫話彈冠仍結綬祗宜襍襖與夫須

街石難誇和氏場揮犀久避蓋公堂筆端風雨真無敵
紙上寒溫細作行結屋競傳千畝竹奉祠聊對一爐香
朝中環賜無虛月遙想眉黃已效祥

次韻程觀過

山城寂寂簿書稀
梅際春風一夜歸
忽喜烹魚中有得
恍然揮麈久相逢
折腰豈愛蘄州竹
問漢須尋織女機
奇絕黃山待佳句
何時小雨濕征衣

和州

歎息和州事
兵戈未易除
驚濤飲邊馬
壯士葬江魚
列戍俱奔命
斯民不奠居
元戎猶擁鉞
資斧定何如

三將

鼎立淮南將朝來競退師折衝潛白羽告捷開黃旗已
報瓜洲敗還驚采石危邊防恃天塹百萬豈熊羆

寄題陳阜卿總秀堂

佳麗并包地曼花子夜香望中團野色塵外發天光小
隊高牙駐輕裘清嘯長故應堂上燕相與賀雕梁

詹氏仁壽軒

修竹林林貫四時厖眉扶杖到期順子孫長憶當年事
留取軒楹客賦詩

道中懷景盧

官路多睽別春遊隔弟兄頻年再登陞十日又離京吏
責倉臺少官曹省闈清牀頭何夕月冷語聽殘更

闕陽驛二絕句

略略春晴天亦慳雷驚雨作轉頭間浮雲又逐東風起
不見前山出髻鬟

觸石泉聲高下聞曾將兩耳洗埃塵相逢尊酒今誰侶
細草青花是故人

次韻范守翠微亭

帶郭長堤十里春是中佳處外風塵層層危磴渾依舊
一一高亭已斬新領略江山初縱目翦除荊棘不勞神
攜壺一笑須投隙官事何時可脫身

次韻施德初遊齊山

詩塵誰復數齊梁小杜文章楚大邦曾為黃花酬九日
至今陳迹擅三江新亭高下依喬木遠岫參差倚曲牕
著屐與君時茗飲後車何必酒盈缸

再賦

向來邊馬遠跳梁奔命紛紛不一邦景物何期新斷壑
夢魂猶自怯防江看山小隱紅簾幙批敕須臨青瑣牕
無事肯來文字飲為將紅酒倒鴛缸

喻江寧欲遺蘄笛辭之

蘄州美竹今古名白雲吹裂笛一聲臞儒所對筆墨客
長物虛尋疎比僧還君不用君莫怪綺牕辦得千金買
誰與移根到草堂他日風來聽天籟

烈士

烈士死知己交情重同心反眼如不識怨深恩更深憶
昔邂逅初一諾百黃金口血顧未乾舊盟何許尋

景廬自右史假北門出疆再用前韻

漢節螭坳出青氈映父兄天方摧勁敵人已望神京使
指今茲重邊塵定可清歸來陳口伐蓮燭問嚴更

聞應賢景高文特少張景孫同客景廬官舍

使回親舊集虎穴問穹廬半夜捱喧馬高秋盤進魚真

成聚東井誰復話南徐底事桃源客新來書也踈

左舉善求草堂詩

孤山佳處著茅廬飽看烟雲自卷舒莫向淮南戀戎幕
松關恐有絕交書

次韻景裴贊喜農扈之除

北固金焦顧盼中裴回於此再踰冬徒勞金穀供諸將
未有田園問老農且喜邊亭罷區脫不須水戰習蒙衝
九卿已媿班行忝敢向明時歎不逢

答木縕之用前韻見寄

魁星秀句挾東風便覺陽春變
盛冬媿我供軍傭絳灌
羨君汲古到羲農北隣再講
衣裳會京口今為冠蓋衝
已具扁舟勇歸去梨花清論
度難逢

得江樓

官事何時了憑高思豁然
逐江開北戶望岫頻修椽
繁卉渾相亞新篁便可憐
歸心入春夢已遶故山前

花信亭

解報花消息江邊有好風吹香四時別問訊幾人同梅
塢難藏白桃蹊豈借紅但能長檢校定不酒尊空

小雨同裴弟深甫堅上人登新亭次韻

移梅種竹趁陽春舉目江山發興新曲檻疎牕那草草
飛簷碧瓦已鱗鱗鼎來好語酬佳景更有高僧話淨因
步屨踟躕烏亦喜不嫌風雨墊冠巾

春雪再作戲成絕句

常年窮臘無一白盈尺冬來已屢書底事天公太手熟

又同春絮到堦除

盤洲文集卷四

欽定四庫全書

盤洲文集卷五

宋 洪适 撰

詩五

使北道中次韻會亭

平野風烟濶孤村父老存
薄雲低故堞落日逐輜軒
分裂時云久澄清敵未吞
春光滿花柳天道竟何言

過穀熟

玉帛齊盟亦可尋東風著面客塵侵隋堤望遠人烟少
汴水流乾轍迹深桃李不言應感舊山川無主祇傷今
遺民久厭兵戈苦辟穀謀乖負此心

次韻馬上偶成

天遣祥風掃塞氛越疆輶傳禮儀新禦戎可鑒秦無策
覘國誰夸鄭有人鳴鶴九臯聞徹響翔龍千載仰攀鱗
垂鞭日日陪清話談笑成章泣鬼神

次韻車中倦吟二首

舊國于今作兩家鄰翁有酒不能賒明朝又逐歸鴻去
祇有塵埃滿一車

叱馭寧辭歷險難投戈且幸適遐安羶車軒簸長危坐
恰似舟行八節灘

次韻初入東京二首

乾坤正欲稔天驕會見降兵款聖朝蓄銳乘機先自治
莫令武庫五兵銷

五門雙闕未央城碧瓦朱甍雲霧生真主南巡正嘗膽

從今瞻仰泰階平

過黃河用上介龍深甫遷居舊韻

風埃如霧滿川黃
馬上朝來識太行
水瀉濁河橋甚壯
沙連遠塞路何長
皇華復講衣裳會
京闕今為瓦礫場
夾道桑麻過千畝
野花時有一枝香

絕句

宣防瓠子撓西京
向者河堤役不寧
邊騎任教流就下
始知談舌悞朝廷

次韻北使邀觀常豐湖

一派澄湖何處來，鳴榔漁子聚還開。
主人甚顧他鄉客。

莫使歸途欠一杯。

此處欠一杯
蓋北使語

次韻初望太行山

層巒逾碣石，形勝鎮神州。
可惜羊腸險，今多虎踞憂。
天心端有待，人力豈能謀。
未老如憑軾，壺漿為曲留。

次韻伊洛道中

萬里修鄰好，羶裘不亂羣。
邊烽方兩解，春事已平分。
發

朝雞三唱揮毫酒半醺問途殊未已返顧羨歸雲

次韻湯陰寒食遇雨

殊方遇寒食節物負年華小雨偏宜柳輕風未落花見
錫如隔嶺對月共忘家俗重之推廟誰祠萬里沙

次韻講武城

漢鼎三分霸業成并吞猶未戒佳兵故城四壁存陳迹
荒冢千年斷樂聲何必枕戈防說計豈容橫槊竊詩名
我來弔古停車轍壘上農人也輟耕

次韻趙州石橋

訪古汶河上聊忘道路勞
仙蹤嘗策蹇海怪或鑄鼇
濟遠徒杠小憑虛亂石牢
何時冠蓋集題柱共遊遨

過中山

三關標重鎮自昔護邊陲
觀者堵牆立紛然簾幙垂
欲謀千日醉恐悞十旬期
可喜中庭月何妨盡一卮

過保州

藝祖粉榆社唐人保塞軍
百年鄰毳幕今日聚兵氛
故

老垂黃髮妍姬艷綵裙白溝才一舍何計可中分

次韻早行

夙駕星光動徐行霧氣迷塞鴻翻月去邊馬向風嘶
靜譙門曉輪欹沙路低頗思眠蕙帳枕上聽鄰雞

次韻得保州老張瓦研

毛穎傳既成陶泓名不朽陳檮接武來論交篇籍固千
年銅雀臺瓦解淪坤厚何人澄其泥頗能髣髴否龍公
天上客金蘭幸同臭結束萬里行聯翩五旬久清談落

玉塵痛飲盡金斗咳唾珠璣聚揮翰不停手窮邊得佳
硯可出老呂右瓦缶莫雷鳴龍尾羞牛後

次韻保州聞角

覺來屈指數修程歷遍中原長短亭誰向城頭晚鳴角
北音嘈囋不須聽

北音嘈囋不須聽整頓征衫待啓明已把哀笳變清角
可傷任昧雜韶英

次韻梁門

雙壘依然柳作陰故疆行盡倍傷心時平且得無爭戰
苔上戈槍卧綠沈

次韻白溝河

唐餘畫壤媿鴻溝西閉關門漢道柔一自旄頭入京洛
至今泉水不東流

次韻回程至涿鹿

回首燕然日再西一杯相屬使輶歸殘花媚野不妨好
倦鳥投林自在飛可惜光陰銷客枕不嫌塵土染征衣

大明退直清和日已約梯雲訪翠微

燕館日饒得四鴈籠之以歸

提攜乘鴈脫庖丁等待他年羽翼成
唳月摩雲須有便
莫教更作不平鳴

次韻楊花二首

桃花開落不同時燕子銜泥相伴飛
若向章臺問春色
可無清淚濕征衣

官路風輕落絮迷望中高下雜游絲
糝羶擬雪春無際

金石錄卷五
只有騷人盡得知

再至保州

再入中原境相迎有暮鷄柔柔新迸葉高柳細吹花亂
後人烟少兵消雉堞加指期淮可渡寧歎在天涯

次韻再至中山

路指中山國人歸析木津終風震簷瓦細雨壓車塵落
紙詩章速開尊酒力醇無功慚報國來往漫勞人

次韻中山雨後

好雨連宵鳩喚晴曉行襟袂有餘清
遠遊朔塞殊風景
夢到東阡看火耕紅退桃溪三月晚
綠添麥隴一川平
纖塵不逐車輪起喜聽驅驢叱馬聲

次韻村店得牡丹

花品稱王擅洛京朱朱白白莫齊名
相逢河朔春將暮
半吐檀心若有情

次韻陳留聞鶯

恰恰啼鶯馬上聽凝雲欲雨曉寒輕
滿郊碧草皆春色

金文四子集
卷五
抵欠山光與水聲

次韻寧陵憩驛

野外人聲寂林間鳥羽翻
朱櫻喜堆案青杏助開尊
故國多荒草遺黎有怨言
雨餘塵土靜不復污歸軒

次韻南京道中

密葉成陰行路寬
鳩鳴鷺轉足開顏
半塗泥滑夜來雨
數片雲飛何處山
薄暮每尋樽俎共殘春
能伴節旄還塵襟
好濯西湖水
偷取禪房一日閒

次韻遊臞菴不果

水紋如縠送歸船，漸近觚棱尺五天。
適意蓴鱸公有興，尋盟鷗鳥我無緣。
遠懷並轡穿紅皺，近阻攜筇歎碧鮮。
却待湖山最高處，醉中一笑挹臞仙。

寄別景廬

禹穴遺書不可尋，坐看綠葉再成林。
千巖競秀非吾土，三徑就荒勞我心。
誰是周人思召伯，今無老叟出山陰。
台堦穩上添花萼，時倩來鴻續好音。

藍憲遣人往吳門移落花未至而去

維京隔絕花難得
茂苑移將信已通
世事好乖猶獻鵲
雕欄不用怨東風

新檀巧斲列東西
准擬看花倒接羅
交臂失之端可笑
儻來外物盡難期

三春桃李家家有
不費陽和特地恩
名品異芳天亦靳
未教容易到丘園

登芝榭見景廬所增月臺

臺榭相望聞語聲
茹芝觀月有餘清
旁連小隱分三徑
細數修篁限一城
日日杖頭思徑醉
年年鐙脚玩欣榮
誰人知我歸與樂
趁此登臨未憚行

許倩報白榴已得玉茗未諧以詩趣之

萬里移根安石國
何年傳粉未知名
須邀玉茗來巖壑
便結瓊花作弟兄
詩客定疑天外得
園人已辨臘前迎
東家阿措休相妬
不學穠粧照眼明

次韻景盧喜得安州牡丹

洛中花信已沉聲涇渭寧分濁與清近出黥山空接壤

徽州雖出牡丹
吾鄉亦難致

遠來安陸

關

連城虛壇僅免遊人間浪

藥從教著處榮更欲丁寧新芍藥

維揚新送芍藥五十本

莫誇多

少便橫行

次韻景廬野處解嘲之什

地偏不接市廛聲古木參天鶴唳清臺榭迫窮千里目
詩章突過五言城花移瓊樹真無敵酒換金貂未足榮
燈火歸時笙管作解嘲何事有歌行

再賦

幽壑藏雲水作聲紉蘭入室好風清

雲壑蘭室皆野處所名

高翥

便有飄飄意進築如開蕩蕩城百尺樓成同日涉四時

花發匪朝榮園池如許誰言小但

平聲

放芻蕘雉兔行

酬景盧賦圃中種橘移花

甕頭玉友已銷聲小試山齋百末清十客對花休避席

千奴呼橘擬專城微霜到處葉未落小雨移來根易榮

情話團欒亦終日生中惟欠十般行

景孫有小鬟解作此戲是日不至

酬景盧謝菊

涉秋無復滴堦聲
夜雨隨風塵已清
平日愛山營一壑
老來學圃列三城
園夫種樹元無術
籬菊分叢獨晚榮
躡屐問花兼問柳
不須乘槎可泥行

答景盧

鴈翅齊飛有雋聲
文章何止賦華清
誰教短策長尋壑
不擁高牙且曲城
臺省向來非獨冷
身名此日已俱榮
盈旬詩軸牛腰大
抱牘須同饗虱行

病酒

三日惟聞煮藥聲一中可怕聖之清移花種竹已得地
逢酒當歌須閉城遠避霜風嚴北戶靜看朝日滿東榮
雙螯退步輸年少誰與抽琴作蟹行

答景嚴

向來代馬沸邊聲曾出良籌助廓清六載倦遊潛楚澤
一枝同折記纓城北門西府仍班綴後鴈前鴻媿寵榮
兩鬢星星吾老矣看君重上赤墀行

景嚴送冬杏

蒼頭呼夢雞聲蕊杏詩來句轉清
獨傲風霜愛冬日
不隨桃李媚花城
一枝得得能相對
凡卉紛紛孰並榮
大隊開時春且盡
醉吟當續麗人行

景盧送瑞香

翠幄藏春巧寄聲
熏籠織錦曉天清
幽香端是花中瑞
仙派初來塵外城
酒海何妨三雅進
鬢雲誰稱一枝榮
雨來頓使鄰牆遠
不到蘭干深處行

野處有詩羨山居小隱之廣而有拓地不可之
歎

敗葉飈風策策聲山根可掬石泉清東隣美苻久成塢
北陌新柑小築城臺在家邊來更好地連郭外得非榮
層樓縱目無窮景安用垂涎杖屨行

再賦

厭聽朱絃裂帛聲攜鋤斲壑賦臨清賞心盡得難并景
舒足休嫌踏破城夜壁朝瓊寧獨樂春蘭秋菊豈爭榮

閉關不使高軒過只許漁樵為輔行

周智光鎮涇州嘗曰夜眠不敢舒足

恐踏破
長安城

憶城東來禽

為景
孫弟

遠送來禽我獨無後來纔得兩三株
隱園野處花難比

祇恐人評棣萼圖

憶古城柿

為景
陳弟

果園幽僻少能知丹柿烏桕手自移
欲學鄭虔書墜葉

何人解有寄來時

憶隆庭竹

為魏
彥成

聞道隆庭竹滿園許分蒼翠長兒孫看看冬盡無消息
始信莊周是寓言

憶吳中落花

為藍
叔成

書郵浸失鱗鴻約欄檻長教蜂蝶猜待擬子虛烏有賦
東賓仍遣耳孫來

戲陳孫二弟

城東卜築有期無須為簷楹動百株可忍非時歸爨下

合尖何似助浮圖

古城栽種畏人知，定是根盤不可移。

酉陽雜俎：木中根固，柿為最，俗謂之

柿盤車載斗量，裨販走果綱，却有入州時。

傍巘經營雜果園，翻愁他日逐王孫。不如種竹招風月，此意難逢俗子言。

林居草創名花少，柳徑苔生過客猜。不管空言無實惠，只嫌巧取近嗟來。

再賦

外求他壤曾攀桂近捨家園尚守株待得枝頭如赤柰

廣志林禽
花似赤柰却來看我百花圖

園在前村若箇知山逢愚叟會須移前言戲耳君休怪

七絕成陰自有時

雜俎
有七絕

何人種柳成門巷幾處看花到子孫

高適詩門前種柳
成深巷羅鄴詩買

栽池館愁無地看
到子孫能幾家

且盡山齋一杯酒此君相對已忘言

長慚無地起樓臺覓果尋花頗受猜且向園林聊寓意

不教絲管逐人來

送景盧

涉世難防犬吠聲放懷安可俟
河清昂霄莫辨千尋木
鑿牖聊看三里城丹橘黃柑隨處好
美花香草逐時榮
晚來寒雨催歸騎
酷似鄒人接浙行

送朱叔召歸吳中

長憶吳中鳴櫓聲風高月上水波清
腥蒼掩映花成聚
笠澤微茫烟若城
十載相忘存夢想
一帆此去喜歸榮
老來無復蓴鱸會
尚看驂騑得路行

景孫以婦病稽賞柑嘗蟬之約景廬以詩詰之
鄭莊好客底虛聲藥裏關心興未清應恐被圍因魯酒
也防完壁棄秦城謂德興二客雙螯弗講連宵會千橘誰教
滿路榮見說高臺新斷手何如自索玉杯行

戲景廬

千橘亭前莫聽聲豈無斟酌和汾清

齊武成勅河南王曰吾飲汾清二杯

勸汝斟酌兩盃

輕裾長袖閒列屋碧瓦朱甍高照城臺上金波

催夜集樓邊玉樹待春榮賞花斫鱸言猶在還被題興

誚卻行

盤洲文集卷五